

Ciet Vwnzva Fuksaenz Sanghlij Denzdungh Siengzcouh·Lingjnanz Ndei Yawj Raixcaix

田东祥周·岭南商旅福神文化节精彩纷呈

5 nyied 6 hauh daengz 8 hauh, Denzdungh Yen gawjbanh Bi 2013 Ciet Vwnzva Fuksaenz Sanghlij Denzdungh Siengzcouh·Lingjnanz hozdung, ciet vwnzva hozdung ndei yawj dangqmaz, yinx 3 fanh lai vunz ndaw yienh rog yienh daeuj yawj.

Ciet vwnzva cawz liux youq gwnz gaihmu si vwnzyi vanjvei ciengq go diuq foux yienj heiq le, lij guh baiq fuksaenz、foux saeceij、eu fwen、gai gijgwn cimz gijgwn dangdieg hozdung. Baiq fuksaenz dwg ciet vwnzva

hozdung aen neiyungz ceiq cungyau ndeu. Gyoengqvunz baiq fuksaenz, soengq va baij noh, gouz fuksaenz aeu fuk, gouz baenaj fwnraemx cuk, vunzlai an'onj. Moix bi youq liggaeuq sam nyied ngeihcib bet gonqlaeng sam ngoenz, gyoengqvunz cungj gag daeuj Denzcouh Lingjnanz Veigvanj(youq gwnzgai Siengzcouh) baiq fuksaenz, bouxseng'eiq daeuj neix gouz fuk gouz caiz, aen ciet neix hix heuhguh ciet bouxseng'eiq.

(Bwzswz)



▲Gyoengqvunz angq dwk foux saeceij.

Gunghcwngz: Dwzgangj Lauxsae Daeuj Bangcoh

恭城：特岗教师来帮助

Gunghcwngz Yauzcuz Swciyen Gvanhyinh Yangh Ciuhsanh Siujyoz youq ndaw diegrungh, liz yienhsingz 60 goengleix gyaе, lauxsae noix. Vihliux gaijgez aen hagdangz neix sonhag yazliz, yen Gyauyuzgiz youq geij ngoenz gonq baen song boux dwzgangj lauxsae coz hawj Ciuhsanh Siujyoz, bang hagdangz gaijgez le gunnanz. Ndaeј dem lauxsae moq le, hagdangz hailaeb le goq hag dinfwngz caeuq go diuqfoux.

Dwzgangj lauxsae daeuj le, ndaeј hawj Ciuhsanh Siujyoz daiq daeuj sonfap moq、gvanhnen moq, sawj hong sonhag byaiј hwnj yamq moq. (Cwng Ciminj)



▲ Vangz Yauj lauxsae caeuq hagseng yaengx cozbij hawj vunzlai yawj.



▲ Vangz Yauj lauxsae son hagseng hag dinfwngz.

Duh'anh Ganbu Ginzung Caez Baet Lajmbanj 都安干群清洁乡村



▲ Duh'anh Yauzcuz Swciyen Gauhlingj Cin Sanhhoz Cunh, gyoengq ganbu caeuq ginzung dangdieg cingleix nyapgyaj ndaw dah.

Geij ngoenz gonq, Duh'anh Yauzcuz Swciyen gawjhengz "Daengxcungq dungyenz Caezgya Doenghfwngz Baet Seuq Lajmbanj" fatdoengh daihhoih, baen yinvu hawj baetseuq mbanjranz duzgizdui、cawzseuq goekraemx duzgizdui、cawzseuq ndawnaz duzgizdui、fanh bouxcoz baetseuq lajmbanj duzgizdui nem 19 aen yanghcin, daengx yienh gyoengq ganbu ginzung baen cuј bau benq, dawz ndawsingz、lajmbanj caeuq doengh diuzdah henz mbanj cawzseuq bae, caensaed doicaenh "Duh'anh gyaеundeі · Lajmbanj seuqsak" hozdung, sawj mbanjranz Yauzcuz mbwn bienq lamz、faex bienq loeg、raemx bienq saw、dieg bienq seuq、diegyouq bienq gyaеundeі. (Luz Boh'anh)

Dasinh: Dieggingj Gyaеundeі Yinx Hek Daeuj

大新：美丽风景引客来

Dasinh Dwzdenh Raemxgienghdat funghgingj gyaеundeі riuz doh lajmbwn. Moix daengz ngoenz ciet cuengqgyaj, dieg neix couh vunz lai vunz daih, nauhyied dangqmaz. Youq ndwen neix sam ngoenz ciet vujyiz cuengqgyaj ndawde, funghgingjih couh ciepdaih bouxyouz ndaw guek caeuq guekrog daeuj youz haenx haj fanh lai vunz. Diegde diemqhekninz haemhhaemh vunz youq rim, hangz gwn hix hoenghhdhwd. (Vangz Siengzyungj)



▲Raemxgienghdat Dwzdenh.

Cingsih Banh Dieggaeuq "Nanzdenhgoz" Minzsuz Vwnzva Yisuzcez

靖西举办“南天国”故地民俗文化艺术节

Mboengqgonq, Cingsih Yen youq Anhdwz Cin gawjbanh Dieggaeuq "Nanzdenhgoz" Minzsuz Vwnzva Yisuzcez. Daiz foux goengfou hung 《Nungz Cigauh Luzgiz Bingh Cin》 byaujyenj ndaeј caenlili, ndeiјawј raixcaix, yinx seiq mienh bet fueng vunz daeuj yawj. Daiz foux goengfou neix doenggvaq caiqyienh gij cangzgingj gaxgonq Nungz Cigauh luzgizginh dwk vunzdig haenx, aeu gijneix daeuj cinfnw minzcuz cingsaenz, gikfat gij simndat gyaеz

guek lwgminz henzguek haenx.

Gunghyenz 1045 nienz, bouxdaeuz Boux-cuengh Nungz Cigauh youq Anhdwz laebbaenz daih'it aen deihfueg cwnggenz Boux-cuengh—Nanzdenhgoz, youq 1052 nienz liggaeuq 4 nyied, de youq Anhdwz fatdoengh nungzminz gijyi, dingjhoenx vunzdig daeuj ciemq, veizhu le minzcuz leiћ'ik, baujhoh le diegnamh Cungguek raeuz.

(Cau Ginghvuj)